



Uunga
Nikolai Jeremiassen, Siumut
Inatsisartuni ilaasortaq

Husholdningspritisip atornerluinerata akiornissaanut § 37 apeqquteqaataata akissuteqaataa

04-01-2016
Sags nr. 2015 - 17467
Akt nr. 1824011

Apeqquteqaatinut qujallunga ataani ataasiakkaarlugit akissuteqaateqarpunga.

Postboks 1160
Tlf: 34 50 00
Fax: 34 55 05
3900 Nuuk

1. Husholdningspritisip aalakoorniutitut atornerluinerata akiornissaanut Naalakkersuisunit pilersaarummik malitassaqarpa?

Email: pn@nanoq.gl
www.naalakkersuisut.gl

Naalakkersuisut atornerluinerit tamaasa asuliinnaangitsumik isigaat. Naalakkersuisut husholdningspritisimik atornerluineq imigassamik aalakoornartumik aanngaajaarniutinillu ajornartorsiuteqarnerup ilagisaattut isigaat. Tamanna tunngavigalugu immikkut husholdningspritisip aalakoorniutitut atornerluinerata akiornissaanut pilersaaruteqartoqanngilaq.

Husholdningspritisip angerlarsimaffinni eqqiaanernut assigiinngitsunut atorussiaavoq. Imerneqannginniassammallu imigassaajunnaarsitsissummik akuneqarnikuuvoq. Imerneqarnikkut merianguqarnermik, meriarnermik aammalu timikkut tipeqalerneramik kinguneqartarpoq.

Naalakkersuisut peqqinnissamut suliniutaat, Inuuneritta II, qanittumi imigassamut aanngaajaarniutinullu tunngasunut innuttaasut peqqissusaasa ajornartorsiutaattut tamatumalu kingunerisaattut qitiusumik pitsaaliuinerimut ukkassippat. 2014-mi imigassamut pitsaaliuinerimut pilersaarummik sanasoqarnikuuvoq maannalu taanna malinneqarpoq. 2015-mi ukiakkut ataatsimiinnermi nuna tamakkerlugu atornerluinerimut pilersaarut akuersissutigineqarpoq. Atornerluinerimut pilersaarut ilutigalugu atornerluinerimut qitiusoqarfiit kommunini tamani ukiuni pingasuni tulliuttuni pilersitsisoqassaaq katsorsartinnissamullu neqeroorutit atornerluinerup qanoq issusaa annertussusaalu tunngavigalugu tulluarneqartassallutik taamaasillutillu sullitat pisaiaqartitaat tunngavigalugit katsorsaasoqarsinnaalerluni.

2. Akiornissaanut pilersaaruteqanngippat aalakoornartut ikiaroorartullu allat assigalugit husholdningspritisip aalakoorniutitut atornerluinerata akiorneqarnissaa pillugu pilersaarusiortoqarniarpa?

Qulaani taaneqareersutut husholdningspritisimik atornerluineq atornerluinerit allat peqatigalugit paasineqarpoq. Taamaattumillu Naalakkersuisut husholdningspritisimik atornerluinerimut pitsaaliuinerimut pilersaarutaat, atornerluinerimut pitsaaliuinerimut pilersaarutaanneereerpoq.

Inussiarnersumik inuulluaqqusillunga
Med venlig hilsen



Doris Jakobsen